

Skjal nr.	Mótt af.	Mótt dags.
11.1	SAS	20. MRZ. 2017
Abm.	Úrv. aðili	Málsnr. One
SH	SH	1703127



Akranesi, 16. mars 2017.

Bæjarráð Akraness,  
Ólafur Adólfsson, formaður.

**Efni: Húsnæðimál eldri borgara.**

Á stjórnarfundum FEBAN, þann 2. mars sl. var m.a. tekið fyrir málefni húsnæðis fyrir starfsemi FEBAN. – Frístundahús annars vegar og þjónustumiðstöð hinsvegar.

Með bréfi þessu vill stjórnin kynna bæjarráði samþykktir stjórnarinnar. Við erum þeirra skoðunar að hér sé um tvö aðskilin mál að ræða. Annarsvegar hefur Golfklúbburinn Leynir frumkvæði að því að byggja félagsaðstöðu og býður FEBAN aðkomu að húsnæðinu og rekstri þess. Um það hafa orðið umræður og fyrirhugað er að stækka húsnæðið vegna aukinnar frístundastarfsemi í húsinu, sem er væntanleg vegna þess að aðrir en félagsmenn Leynis og þá sérstaklega þriðja kynslóðin muni nýta húsnæðið að vetri til. Félagsmenn FEBAN hafa átt mjög gott samstarf við Golfklúbbinn um pútt á sumrin og kaffiveitingar. Nú sjáum við fram á að slíkt geti orðið allt árið. Það er mikið fagnaðarefni og einnig að geta stundað ýmsa aðra afþreyingu þar.

Varðandi Dalbraut 6 og uppbyggingu þjónustumiðstöðvar gegnir allt öðru máli. Það mál á sér langan aðdraganda og fyrir liggur samþykkt bæjarstjórnar um nýtingu þess húsnæðis. Það er skoðun stjórnarinnar að ekki sé eftir neinu að bíða að hefjast handa við það verkefni og sinna starfsemi þaðan í samræmi við lög þar um, en í lögum um málefni aldraðra segir: „*Þjónustumiðstöðvar aldraðra sem eru starfræktar af sveitarfélögum til að tryggja eldri borgurum félagsskap, næringu, hreyfingu, tómstundaiðju, skemmtun og heilsufarslegt eftirlit. Þjónustumiðstöðvar geta starfað sjálfstætt eða í tengslum við aðra þjónustu sem aldraðir njóta.*“

Virðingarfyllst,

---

Jóhannes Finnur Halldórsson,  
form. FEBAN

Meðfylgjandi er afrit af fundargerð stjórnar FEBAN frá 2. mars sl.

Dagsetning fundar: 2017/3/2

Skrifstofa FEBAN

Fundarritari: GB

Kirkjubraut 40

## I. Dagskrá

1. Fundargerðir síðustu funda
2. Dagskrá aðalfundar - fundarstjóri og tillögur uppstillingarnefndar.
3. Húsnæðismál. – Frístundahús og eða þjónustumiðstöð. Hugmyndir bæjarins.
4. Kynning á ferð til Tönder.
5. Önnur mál.

## II. Boðuð:

Mætt; Jóhannes Finnur Halldórsson, Svavar Sigurðsson, Þorvaldur Valgarðsson, Júlíus Már Þórarinnsson, Jónas A. Kjerúlf, Sesselja Einarsdóttir, Ásgerður Ásta Magnúsdóttir, Guðlaug Bergþórsdóttir.

Fjarverandi: Hilmar Björnsson, Hanna Rúna Jóhannsdóttir.

## III. Samantekt og niðurstöður

1. **Fundargerðir.**  
*Fundargerðir nr. 360 og 361 samþykktar.*
2. **Dagskrá aðalfundar- fundarstjóri og tillögur uppstillingarnefndar**  
*Svavar Sigurðsson verður fundarstjóri og farið var yfir tillögur uppstillingarnefndar um breytingar á stjórn og nefndum.*
3. **Húsnæðismál. – Frístundahús annars vegar og þjónustumiðstöð hins vegar.**  
*Málin rædd rækilega. Eftirfarandi bókanir voru samþykktar:*

*„Stjórn FEBAN er í forsvari fyrir tæplega 700 manna félag, þ.e.10% af íbúum Akraness og nágrennis og er fjölmennasta félagið hér um slóðir. Við erum þó þess meðvituð að þátttaka félaga í félagsstarfi mætti vera meiri, en það getur verið spurning um, hvort kemur á undan áhuginn eða aðstaðan til að viðhafa félagslega virkni.*

*Stjórn FEBAN vill af gefnum tilefnum, minna á að þann 26. mars 2014 var undirritaður samningur um kaup á húsnæði að Dalbraut 6, en í bókum bæjarins þar um kemur fram að;*

*„Húsnæðið er hugsað sem þjónustumiðstöð fyrir eldri borgara sem bæði getur rúmað félagsstarf og viðburði af ýmsu tagi fyrir þennan ört stækkandi hóp auk þess sem starf með eldri borgurum á vegum Akraneskaupstaðar verður þar til húsa"*

*Þeirri ákvörðum bæjarstjórnar um þjónustumiðstöð hefur ekki verið hnekk. Það er tilhlökkun í okkar huga að sjá þá framkvæmd raungerast. Búumst við því fyrir en seinna.*

*Lengi hafa verið umræður og viðræður um betri aðstöðu sem sæmði bæjarfélagi af stærðargráðu sem Akraneskaupstaður er og hjá sveitarfélögumum báðum á starfssvæði félagsins, í þeim efnum sem þau sannarlega eru og sem við íbúarnir megum vera stolt af.*

*Félaginu barst bréf frá Golfklúbbum Leyni þann 11. janúar 2017 um félagsaðstöðu. Í nefndu bréfi golfklúbbsins kemur m.a. fram að „GL hefur átt í viðræðum við Akraneskaupstað um samstarf og stuðning um verkefnið og miðar þeim viðræðum ágætlega áfram og er stefnt að því að framkvæmdir hefjist á þessu ári og húsnæðið verði*

### III. Samantekt og niðurstöður

tekið í notkun á vormánuðum ársins 2018 að öllu óbreyttu. Stjórn GL vill bjóða stjórn FEBAN til viðræðna um aðkomu að verkefninu og mögulegt samstarf um rekstur húsnæðisins sem fyrirhugað er að byggja á skilgreindum byggingarreit þar sem níverandi golfskáli er staðsettur".

Stjórninni fagnar uppbyggingarvilja golfklúbbsins og telur þær framkvæmdir horfa til mikilla bóta fyrir hag samfélagsins og allt frístundastarf á Akranesi og ekki síst fyrir eldri borgara, þar sem að gert er ráð fyrir stækkun hússins frá fyrri hugmyndum. Þar er átt við 200 m<sup>2</sup> stækkun frá upphaflegum teikningum, eingöngu vegna hugsanlegs samstarfs við FEBAN. Stjórn félagsins vill hvetja til fyrirhugaðrar uppbyggingar og lýsir vilja sínum til að gera samkomulag um nýtingu hússins.

Að byggja upp annars vegar þjónustumiðstöð fyrir aldraða og öryrkja og hins vegar klúbbhús golfklúbbsins, sem nýtist sem frístundahús fyrir íbúa bæjarins og ekki síst eldri virðulega borgara, er alls ekki ósamrýmanlegt.

Þegar um að ræða ört stækkandi hóp, hinnar svokölluðu þriðju kynslóðar, þarf að tryggja að sá hópur viðhafi virkni og félagsskap. Við sem samfélag, höfum efni á bjóða þessum aldurshópi upp á hið allra besta. Hann hefur að hluta, ásamt gengnum kynslóðum skapað níverandi auð.

Við hvetjum alla til að horfa til lengri framtíðar og standa saman að uppbyggingu samfélagsins, jákvæð, bjartsýn og bær til að njóta lífsins. **FEBAN ER FRAMTÍÐIN**"

#### **Um þjónustumiðstöð aldraðra og öryrkja. Dalbraut 6**

##### **Eftirfarandi samþykkt var gerð:**

„Stjórn FEBAN vill koma því á framfæri að fjöldi félagsmanna FEBAN hefur sett sig í samband við stjórnina og er mjög óánægður með framgöngu bæjaryfirvalda er varðar hátiðleg loforð um innréttingu á húsnæði Dalbraut 6 fyrir aldraða og öryrkja. Kynnt hefur verið nýtt skipulag, þar sem að gert er ráð fyrir að rífa skuli það hús, til að byggja nýja þjónustumiðstöð aldraðra og öryrkja í einhverri óljósri framtíð á þessum stað. Það geta eldri borgarar ekki sætt sig við og vilja að staðið verði við gefin fyrirheit og það sem fyrst.“

#### **4. Kynning á ferð til Tönder.**

Kynningin verður í Tónbergi 9. mars n.k. kl. 16:00 til 18:00.

#### **5. Önnur mál.**

Bréf menningar- og fræðslunefndar, þar sem sótt er um styrk kr. 60.000, vegnar ferðar nefndarinnar 8. júní n.k.. Umsóknin samþykkt.